



partii naleraq

UKA 2015/162-01

02.10.2015

Inatsimmut, Kalaallit Nunaanni eqqartuussisaatsimut inatsisip (pinerluttulerinermi il.il. meeqqat inuusuttullu videokut apersorneqartarnerat) allannguutissaatut siunnersuummut Namminersorlutik Oqartussat oqaaseqaatissaannut aalajangiiffigisassaattut siunnersuut (Pinngortitamut, Avatangiisinut Inatsisinillu Atuutsitsinermut Naalakkersuisoq).

Kalaallit Nunatsinni eqqartuussisarnermi inatsisip allannguutissaatut siunnersuummut Namminersorlutik Oqartussat oqaaseqaatissaannut siunnersuut Partii Naleqqamiit imaattumik oqaaseqarfigissuarput:

Aallaqqaasiullugu erseqqissaatigissuarput, Partii Naleqqamiit meeqqanik kinguaassiuutitigut atornerluineq allatulluunniit meeqqat pitsaasumik ineriartornissaanut akornutaasumik iliuseqartarnerit akuersaarsinnaanngilluinnaratsigit.

Taamaammat aamma Partii Naleqqamiit periarfissat tamaasa atorlugit meeqqat inuusuttullu sapinngisamik pitsaanerpaamnik atugassaqartinneqarnissaat pillugu tamaviaarluta suleqataarusuppugut.

Qanittukkut Naalakkersuisunut apeqquteqarnitsinni paasivarput siorna septemberi qaammat tikillugu meeqqat inuusuttuaqqallu katillugit 642 angerlarsimaffiup avataanut inissinneqarsimasut aammalu taamatut angerlarsimaffiup avataanut meeqqanik inuusuttuaqqanillu inassiisarnermi aningaasartuutitut takussutissaq kingulleq 2014-meersoq naapertorlugu kommunit Namminersorlutillu Oqartussat katillugit 235,5 mio kr-inik atuisimasut, tassa naatsumik oqaatigalugu angajoqqaat ilaasa meeqqanut paarsinerlunnerujussuat suminginnaanerujussuallu ukiunut qulinut naatsorsorutsigu Namminersorlutik Oqartussanut kommuninullu 2,5 milliard-ingajannik aningaasartuuteqarfigisarpurput.

Taamaattumik oqaluinnarata meeqqanik inuusuttuaqqanillu atornerluinerujussuarput piaarnerpaamik aaqqiissuteqarfiginiartigu aamma angoqqaat uagullu akisussaassuseqarnerusumik iliuseqarnissarpurput pimoorunnerusariaqarpurput.

Inuiaqatigiinni ingerlatseriaaserput ajorpoq, inuiaqatigiit peqqissut nukittuullu taama annertugisisunik ajornartorsiuteqartussaannngillat. Takuinnartigut imigassamik, ikiaroorartumik aningaasanoornernik, meeqqanik suminginnaanerpasuit atornerluinerpassuillu akuersaarneqarsinnaanngitsut. Inuit ilami inuppasuit nunatsinniit qimarrattut, inuuniarnikkut ajornartorsiuterpassuit, suliffissaaleqinerit, inuit pinerlussimannngikkaluarlutik politikikkut

kiffaangissusiiangaasut inuussutissarsiorsinnaajunnaarsillugit. Tamakkorpassuit tamarmik aamma meerartatsinnut sunniuteqapiluttarneri eqqarsaatiginerusariaqarpavut.

Taamaammat inuiaqatigiinni aaqqissungaanikkut aamma allannguisariaqarnerput pimooruttariaqarparput, tassami pissutsit ilaasa taama ajorluinnartigineri isiginnaaginnaarsinnaanngilagut.

Video atorlugu meeqqanik apersuisarnek pillugu maleruagassat siusinnerusukkut pinerluttulerinermut inatsisip aamma eqqartuussisarnermut inatsisip allanngortinneqarnissaat pillugu inatsisartut upernaakkut 2014-imi akuersissutigisimasaannut atatillugu taamanikkut inatsisinut ataatsimiititaliap video atorlugu meeqqanik apersuisarnerup ukiut killissaliussat 12-iniik 15-inut qaffanneqarnissaannik kissaateqarnermut naapertuuppoq.

Taamaammat siusinnerusukkut oqaaseqaatigineqareersimasut uteqqinngikkaluarlugit Partii Naleqqamiit Namminersorlutik Oqartussat oqaaseqaatissaannut tunngaviumik isumaqataanerput matumuuna nalunaarutingaarput, kisianni taama oqareerluta Partii Naleqqamiit meeqqat inuusuttullu kinguaassiuutitigut allatigulluunniit pinerluffigineqarsimasut imaluunniit killisiuinerni eqqartorneqartuni ilisimannittutut pinerlineqarsimasutulluunniit apersuinerni peqataatinneqarsimasut tamarmik piaarnerpaamik tarnip pissusnaanik ilisimasalinnik sullinneqartarnissaat sulissutigineqartassasoq ilanngullugu pisortaniit isumagineqartassasoq piumasaqaatingaarput.

Taama oqaaseqarluta siunnersuutip aappassanneeraneqannginnerani inatsisinut ataatsimiititaliami suliareqqinneqarnissaa inassutingaarput.